



Comité Intercentros
Universidade de Vigo

UVIGO1101 N° 200400017612
22-11-2004

A aprobación da LOU e o incremento de programas de investigación que se desenvolven dentro da Universidade de Vigo está a producir un aumento considerable do número de traballadores que asinan contratos laborais. Para coñecer a contía exacta deste aumento solicitamos á Xefa de Xestión de Persoal información sobre o número de traballadores que, na data da solicitude, tiñan asinado un contrato laboral. Os datos remitidos pola citada responsable certifican que a 21 de outubro de 2004 a Universidade contaba con 879 traballadores baixo esta relación contractual.

Os órganos lexítimos de representación de todo este persoal son, como vostede saberá, os Comités de Empresa e o Comité Intercentros e, namentres non haxa novas eleccións, os seus representantes legais diante da empresa somos os delegados e delegadas que conformamos actualmente ditos comités.

O artigo 68 do Estatuto dos Traballadores recolle as garantías legais dos membros do Comité de Empresa citando entre estas, a salvo do que se dispoña nos Convenios Colectivos, a de dispor dun crédito horario de 40 horas mensuais cando o número de traballadores na empresa sexa superior a setecentos cincuenta e un.

En sentenza do Tribunal Superior de Xustiza do País Vasco (Sala do Social) de 19 de decembro de 1994, nos seus fundamentos de dereito, se di: *"El número actual de trabajadores en el centro dará lugar a un número de miembros del Comité de Empresa superior a partir de las siguientes elecciones sindicales. Sin embargo, el crédito de horas mensuales retribuidas que los miembros del Comité de Empresa pueden utilizar para sus actividades representativas y sindicales depende también del número de trabajadores del centro, pero no se halla sujeto en derecho a la previa ampliación colectiva del Comité sino que puede ser efectivo aun antes de las próximas elecciones sindicales, como lo avala la circunstancia de que el art. 68.e) del Estatuto de los Trabajadores no haga depender el ejercicio del derecho de la actualización de la composición del Comité."*

En coherencia con todo o exposto, comunicámoslle que os representantes electos dos comités de empresa, e o conxunto de delgados sindicais nestes órganos de representación e no Comité Intercentros, pasarán a dispoñer dun crédito horario de 40 horas cadanseu.

Vigo 22 de novembro de 2004

O Secretario do Comité Intercentros
da Universidade de Vigo

Manuel Velasco Graña

SR. XERENTE DA UNIVERSIDADE DE VIGO
SR. XEFE DO SERVIZO DE PERSOAL